

Цаалгъврин кӧдлмш ӧргӧр негдджӧнӧ

Ӧлгӧ цагт цуг мана респуб-
бликӧр Хальмг АССР-н Деед
Советд сунъгъврт белдвр эк-
лӧд, цаалгъврин кӧдлмш ӧр-
гӧр делгрӧлгдджӧнӧ. Яшал-
тинск районд болхла 400 гар
коммунистр, комсомольцнр
агитатормуд болдж, арви гер
болгънар, фермсӧр, бригадсар
цуг сунъгъачнрт, коммунизм
тосхх ноолданд олн-ӧмтнӧ ӧмн
бӧӧх тӧрмӧд, КПСС-н XXI-ч
хург хурах партин ЦК-н
Пленумин шидвр цаалгъдж
ӧгчӧнӧ.

Цаалгъврин кӧдлмшиг, ӧр-
гӧр делгрӧллгънд голлгчнь—
агитпункт мӧн. Тер учрар,
цуг колхозмудар болн совхо-
змудар 30 агитпунктс секг-
дӧд, теднӧ заведующирнь
диглгддж батлгдв. Сентябрьрин
10-д эдн семинарт орад, „Ӧлгӧ
цагин ревизионизмлӧ ноолд-
лгъна тускар“, гидг лекц со-
нъсад, цаалгъврин кӧдлмшин
дамшлтарн хувацв. Семина-
рин чилгчӧр КПСС-н райко-
мин сеглӧтр ӧр Мазин, Халь-
мг АССР-н Деед Советд сунъ-

гългънас иштӧ района пар-
тийин организацин ӧмн бӧӧх
тӧрмӧдин тускар келв.

Кесг агитпунктс йир сӧӧнӧр
кеерӧлгддж. Кировин болн
Ленинӧ нертӧ колхозмудин,
Красно-Михайловск болн нань
чигн селӧдин агитпунктсас
кезӧ чигн ӧмтн хӧӧгъхш.
Сунъгъачнр ирӧд, энд газет,
журнал умшад, шатр-дӧбв
наадцхана.

Агитпунктсин заведующир
эклц партийн организацсин
дӧнъгӧр олнд цаалгъвр ӧг-
лгънӧ зура кегъӧд, эн туст
кесг зӧсн эв-аргъ олзлхар
темдглв. Терӧнднь багъ наста
сунъгъачнрин аскн, нӧурт
йовх кӧдлмшчнрлӧ харгългън,
лекц, доклад умшлгън болн
нань чигн кесг эв-аргъ олзл-
гдхмн. Яшалта, Солёное се-
лӧдин агитпунктст цаалгъвр
ӧгдг стол гидж гарчана. Те-
рӧнднь райсоветин депутатнр,
специалистр, сунъгъачнрт эс
медгдсинь цаалгъдж ӧгхмн.

Мана районд арвад гер бо-
лгъчар нӧр-наад ӧзӧллгън ик
чинр зӧув. Лекц, доклад бол-
сна хӧӧн, нӧр-наад ӧзӧлснь—
сунъгъачнрт икӧр таасгдв.
Района культурин Гер, Камы-
ши болн Березовка селӧдин
клубст сунъгъврин участксар,
арвад гер болгънар нӧр-наад
гаргъхд белдвр кеджӧнӧ.

Болв, цаалгъврин кӧдлмш
Сталинӧ нертӧ колхозин, 105-ч
совхозин, Яшалтан селӧин
агитпунктс болн партийн ор-
ганизаци сулар куцӧджӧнӧ,
юнъгад гихлӧ, ода бийнь агит-
татормуд куцц диглгдӧд уга.

Эн тоотиг эрк биш дарун
чиклӧд, цаалгъврин кӧдлмш
ӧргӧр делгрӧлдж, цуг эв-ар
гъан олзлдж шунад, ман
сунъгъачнрин медрлинъ бол
шунлтинъ ӧддлӧлхӧр зӧтк
зӧвтӧвдн.

Н. КАРПУН.